

UGOVOR
Broj: 0602-168-14/20
o nabavci fiskalnih printera sa uslugama fiskalizacije

UGOVORNE STRANE:

UGOVORNI ORGAN: **KJKP "POKOP" d.o.o. Sarajevo**, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004; Porezni broj PDV: 200119040004;

DOBAVLJAČ: **"IMTEC" d.o.o. Sarajevo**, Bosanski put bb, Ilijaš, kojeg zastupa direktor Safija Hadžić (u daljem tekstu: Dobavljač)
ID broj: 4200918780002; Porezni broj PDV: 200918780002.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog postupka javne nabavke – Konkurentskog zahtjeva za dostavljanje ponuda za nabavku fiskalnih printera sa uslugama fiskalizacije objavljenog na Portalu javnih nabavki BiH, broj Obavještenja 775-7-1-13-3-6/20 od 15.01.2020. god. Odluke o odabiru najpovoljnijeg ponuđača, broj 0602-168-12/20 od 29.01.2020. godine, i prihvaćene ponude Ponuđača broj 0602-168-8/20 od 27.01.2020. godine koji je sastavni dio ovog Ugovora.

PREDMET UGOVORA

Član 2.

Predmet ovog Ugovora je nabavka fiskalnih printera sa uslugama fiskalizacije, prema prihvaćenoj ponudi ponuđača i prema zahtjevima Ugovornog organa.

UGOVORENA CIJENA

Član 3.

Ugovorena cijena za nabavku i isporuku robe iz člana 2. ovog Ugovora iznosi:

Cijena roba koja su predmet ovog Ugovora bez PDV-a iznosi	14.740,00KM
PDV na ponuđenu cijenu roba iznosi	2.505,80KM
Cijena roba koja su predmet ovog Ugovora sa PDV-om iznosi	17.245,80KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom dobavljaču odnosno podugovaraču (ako je predviđeno direktno plaćanje podugovaraču) izvršiti u roku do 30 (trideset) dana nakon prijama uredno ispostavljene fakture za isporučenu robu na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će isporuku robe definisane članom 2. ovog Ugovora vršiti u roku do 7 (sedam) dana od momenta prijama narudžbe. Mjesto isporuke robe – Prodajna mjesta KJKP Pokop d.o.o. Sarajevo (Grobni ured Petrakijina, Grobni ured Vlakovo, Cvjećara Vlakovo, Grobni ured Bare, Cvjećara Bare, Prodavnica pogrebne opreme Petrakijina, Grobni ured Direkcija, Racunovodstvo Direkcija, Mrtvačnica /Prosektura Bare).

UGOVORNA KAZNA

Član 6.

U slučaju kašnjenja u isporuci roba do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1‰o promil naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

GARNTNI ROK

Član 7.

Garancija za opremu koje su predmet nabavke ne smije biti manja od 12 (dvanaest) mjeseci od dana isporuke. Garantni period na isporučenu robu počinje teći od dana isporuke i datuma obostranog potpisivanja Zapisnika o kvantitativnom prijemu robe bez primjedbe. Na osnovu predatog garantnog lista kojim proizvođač robe garantuje ispravno funkcionisanje iste, Ugovorni organ ima pravo, ako roba ne funkcioniše ispravno, zahtjevati od Dobavljača da robu popravi u određenom roku ili ako to ne učini da mu mjesto nje isporuči robu koja funkcioniše ispravno.

U slučaju manjeg popravka, garantni rok se produžava onoliko koliko je Ugovorni organ lišen upotrebe robe /stvari. Međutim, kada je zbog neispravnog funkcionisanja izvršena zamjena stvari ili njezin bitni popravak, garantni rok počinje teći ponovo od zamjene, odnosno vraćanja popravljene stvari/opreme. Ako je zamjenjen ili bitno popravljen samo neki dio opreme /stvari, garantni rok počinje teći ponovo samo za taj dio.

GARANCIJA ZA IZVRŠENJE UGOVORA

Član 8.

Dobavljač je dužan da u roku od 15 (petnaest) dana od potpisivanja ugovora dostaviti neopozivu, bezuslovnu, originalnu bankovnu garanciju za dobro izvršenje ugovora na iznos od 10% (deset procenata) ukupne ugovorene vrijednosti, plativa na prvi poziv sa rokom važnosti garancije po isteku dodjeljenog ugovora.

U slučaju da Dobavljač u pomenutom roku ne dostavi bankovnu garanciju, ovaj će se Ugovor smatrati ništavim, a prijedlog ugovora se dostavlja onom ponuđaču čija je ponuda po rang –listi odmah nakon ponude najuspješnijeg ponuđača.

OSNOVNE OBAVEZE DOBAVLJAČA

Član 9.

Odabrani ponuđač se obavezuje da će u periodu dok traje garantni rok servisiranje uređaja vršiti besplatno; Odabrani ponuđač će biti u obavezi da uradi fiskalizaciju novih uređaja iz obrazca za cijenu ponude; Odabrani ponuđač uz svaki isporučeni uređaj je dužan da izvrši obuku korisnika koji radi sa uređajem, a što je uključeno u cijenu; Instalirani uređaji moraju imati nesmetan i kontinuiranu vezu sa serverom Porezne uprave.

Član 10.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 11.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 12.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako Dobavljač ne isporuči robu kvaliteta datog u Ponudi
- ako poslije djelovanja više sile nije moguće nastaviti realizaciju Ugovora

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo oštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 13.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 14.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 15.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period od 12 (dvanaest) mjeseci, počev od dana potpisivanja istog.

Član 16.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

Ugovorni organ

KJKP „POKOP“ d.o.o. Sarajevo


izv.dir. Asmir Hodžić


Direktor, Goran Cerić



Dobavljač

„IMTEC“ d.o.o. Sarajevo


Direktor, Safija Hadžić



Broj, 0602-168-14/20

Sarajevo, 10.02.2020. god.

Broj, 523 A / 20

Sarajevo, 13.02.2020. god.